

道古堂全集



和16
976
10



和
976
卷 10



橙花館集序

漢武帝英風大略有招羣彥故一時儒行如董生經術如見大夫通博如終童長短縱橫如主父偃應對如嚴助朱買臣詞賦史才如兩司馬獨東方先生不名一行詼諧戲侮跌宕於巖廊之上是以當時目之爲俳優後世驚以爲鬼物余謂先生閱覽博物君子也玩世不恭捷給澹辭至於泰階之符辟輶而諫其大節偉矣崑玉秋霜比質可也吾友杭子大宗言不純師行不純德絕類東方先生之爲人平生勤於聚書晨鈔晦寫者十有餘年而畢方不來騶牙不至無以證其蓄積之叢叢於

是形諸詩歌一往不可罄控嘗放言曰鏤金錯彩論者弗尚然學不贍則詞不備詞不備則氣不充胸無安世三篋書日搦管作蒼蠅聲奚可哉公等已矣予謂古之作者沈酣於卷軸而濬發於靈臺能役書不爲書役大宗持論不可爲正鵠然大宗雖淵然不可究詰而能運之以越石之清剛出之以景純之豪雋其所以見撫一世者固不盡如所云矣予行役四方久不見大宗詩今年貂敝金盡垂翼而歸大宗爲余蹙額者累日握手相慰外出其近作十餘首益麗以肆而其送小弱弟一章則小宛之遺音也小弱弟就昏于黔陽黔陽去杭三四

千里溯錢唐浮洞庭累月踰時乃可至也其間霹靂颺颺酸雨狂濤春風斑竹古渡神鴉凡小弱弟之所跋涉而驚且惋者一一著之於篇余讀其詩而壯其奇且悲其志也大宗曰余詩類此者夥矣子其爲我序之嗚呼大宗磊落豪宕之氣所謂玩世不恭者非耶然觀其友朋骨肉之間其大節可觀矣雍正五年歲次丁未閏三月上浣錢唐龔鑑

過春集序
夫金臺千里能造必詩銅街九條敢往則賦太乙分曜
靈之景而藜之用蓋寡長庚攀超光之足而鯨之振以
末故歡情似酒崇伯望而解顏愁緒縈絲墨翟逢而曾
歎蘭可佩也對靈均而不芳月豈愁乎照陳王而易落
準之今日寧有易哉帝城十二獨我無家客路三千送
人作郡裝落葉以驅壽披浮雲以旌心出門則稚子牽
裾登車則老人把袂浮河亂濟步將前而不舒餞露賓
星目已罷而猶顧直沽河下雪古風堅曲阜城邊青危
碧峭觀疲衛之勸進值敝貂之不溫則知情以時感心

蘇目傷固當徵彼詩寮壯茲行色況以茫茫鐵網竟漏
珊瑚落落金盤誰餐沉瀆骨具烟霞之相身留柏石之
緣局逸步以趨時蓄奇聲而待旦殘膏既燼間理餘光
渴睡初醒或耽短詠良以酒徒市上最多拊缶之羣學
士壚頭不減留髡之樂是用牽纏積素揮灑性靈及夫
驪唱蒼涼歸鞭蕭瑟北地有絕憐之處南雲有望遠之
思罔兮若有求而不至也悵乎若有待而不已也非無
贈荅之章亦以彬布爲快日月既長卷帙遂衍則斯集
之大凡矣若云旣和且平雖怨不怒提攜標格澄震聲
音斯固大雅之式鄙人莫贊辭焉嗟乎身以賤而趣成

道不行而樂在兩三曲榭未免有情數四荒齋居然無
恙新編在手狂賓滿牀高臥北窗之下但寘身欲尚羲
皇狎作西湖之遊任譏人不耐官爵則智津萬有音暢
百形衆皆麗此清神僕亦勉爲燕說錢唐周天度

百派泉甘甯北帶輻對衣嶽為燕婦登輿風天退
 皇麻社西四之致升鸞人不備官備限警駟萬音
 慈麻麻亦平林茂樹林高樹其高多不歸實良俗尚
 飲不計西樂於兩三曲縣未竟亦部選四景齋景然無

赴召集序始其錄精琳本靜世劍蓋亦變與且其器
 國家承先朝餘教以文學唱天下于下詔敦勸招延海
 內闕通博達之士於時新進舊耆後先相踵振采儒林
 天下烝然發動秀水朱太史竹垞以鴻鉅之才辨音正
 始斥遠浮空蓋風雅之道郁郁繇此盛矣當時上下怡
 安民物給足士不迫寒餓豪家右族或開館飭具以接
 英賢公卿不以章服先章布禮敬餽進幸其一到以為
 榮而故臣者舊多往時名人胥與導揚遺緒為後生滋
 引蓋吾歎風教之畱遺者遠也事更百年世經兩嬗其
 他盡從遷變而獨文學之士流韻餘思猶足鼓盪人心

徧一世爲習尚蓋未有以是爲無益而捨去之者自諸
公相接淪沒後進不見前賢風旨沉塞於世俗之文鎖
閉堅牢不復可啟若是而欲進與語古譬猶奏絲竹于
聾者之前傾耳而莫之聞也而況夫深博之學性命之
詣歟則亦有桀黠自好者矯而更之強其外空其中不
根而植自詭可到前人哆然尊已卑物睥睨篤古之士
搜瑕索癥齟齬舐觸恐不速敗嗚呼古學之不昌其有
不由此歟吾友杭君堇浦少蘊清才其于古若以水入
水浹而莫覩其迹也其于學一日千里而猶慊慊也怵
不能至也故其爲詩根本積冊峻整有製度且其爲之

也警以敏居常哦咏不輟昔雲間諸子每讌集多擊搏
爲笑樂陳人中獨刻燭賦詩嘗云人之英華乘於壯歲
過此衰落將安及乎蓋其勤如此今之堇浦則亦猶斯
志也悲夫自朱公之死吾鄉風雅衰歇二十餘年矣物
莫孤於其絕事當勗乎其難異時老去堇浦猶能憶吾
言否也仁和張燿

言香出山以賦歌
莫厭然其跡事高故平其鑿異其法去重漸餘論謝晉
志出悲大自來公之取吾機風靜寒過二十餘年矣
歐此竟於文文乎蓋其煙吹也今之董衛俱亦餘
為美樂則入中略略知謂嘗云入之英華乘彼堪
出警以好吾常知利不疎昔雲間請于其精果多學

翰苑集序

錢思公謂朝廷之官惟翰苑非文章不可蘇子瞻亦謂
文章之外不取他才然或以所作卑弱屑屑應用不可
謂之文章卽子瞻猶自以爲空疎冗散才不逮古慚內
相之名豈非其實之難副與故自唐元宗設官以來雖
代有賢哲以充其選而直以翰苑名集者陸宣公一人
而已宣公制詔奏議昭然與金石不朽而詩文賦集十
五卷所謂雄文藻思推古揚今者今先生蓋有過之鳴
呼惟宣公不媿于翰苑惟先生不愧于宣公也權載之
序宣公集曰仲尼有才而無位賈生有時而無命公才

不謂不長位不謂不達逢時而不盡其道命也夫宣公不與房魏姚宋生貞觀之年而與竇參裴元齡生貞元之世殆不可謂之逢時德宗以素知公名召對翰林卽日爲學士其知遇固深矣然當公十八登第僅以詞科博一縣尉唐所以位置博學之士者不已違耶今詞科不著於令惟

天子卽位之初特行久虛之典督臣卽以先生應

詔選入翰林蓋以博聞明識不世出之人鼎不可得之嘉會而授清秘之職 本朝之用人可謂樞其材矣先生位雖不達可謂逢時矣宣公之時詔書旁午倉卒填

委雖灑翰卽成曲中機會終有如歐公所云不得專一思慮以工文字其詩文憂深慮遠蓋亦變雅之作而先生幸際太平得與一時僚友從容柯亭劉井之間以其散直之暇肆志併力于文章蔚然而虎鳳躍鏘然而韶鈞發何其盛也讀是集者當知先生之才與所遇之時皆有過於宣公者不必區區以祿位相較而亦可想見國家盛治其侍從簪筆之臣爲博聞明識不世出之人也豈其以翰苑之榮誇於田夫野老而已哉同里後學曹芝

其以備談之樂備賦田夫裡亦通古詩同里對學
可矣然其詩益譽筆之用益對開門不世出之人
詩亦勝於其言公濟不為國詞以類對聯而亦不勝其
詩亦勝於其言公濟不為國詞以類對聯而亦不勝其
清江之野報志竹也午交章雖然而風飄輪然而
主幸烈太平爵與一執對文容林亭隱共之間以
恐亂以工文字其詩文愛對瀾鼓蓋亦變韻之於而
委曲幽微鳴如曲中緜會絲竹吹烟公祀云不特專

脩川集序

杭兄董浦董志局於海昌得詩如于首令予爲之引董
浦之詩之工不待予言顧予竊有所念於海昌者得因
董浦之詩而一及之海昌故文獻之窟也董浦拜無垢
之祠式持正之里搜訪查職方罪維殘編豈區區騷人
之遊錄哉而樊侍御先遠者楊文靖公高座弟子無垢
之畏友也學錄不傳微言安在尚有知其講堂薦以溪
毛者否職方志節晚寄託于絲竹以抒悲憤而姚監軍
曷菴棄家長往以黃檗爲西臺化爲精衛尚有道其姓
名者否抑又聞安陽許侍郎之令海昌也敦崇正學招

致姚江黃先生設臯比雅歌釋奠中吳徐侍郎果亭遠來執經反復叩證人之說安陽則傳三易洞璣之旨豈無薪火之貽足爲里社興起者乎董浦其更爲我訪之是亦羣雅之才所當備也雙韭山民全祖望

嶺南集序

韓子遷潮文傳驅鱷范公帥粵錄著驂鸞此炎徼之藝林亦前修之筆苑也然志虞衡於桂海非無博物名篇而狀草木於南方未盡雅人深致必也珠池壁記旣兼子史之長韶石詩豪復得江山之助登高作賦二樓風雨驚飛結社分題五子敦槃麋至斯足擅湖山宗主不愧遊居作詩酒總持無慚羈賦者也惟我董浦先生泚水詞宗玉堂仙從紫霄翔步陸子春帝目佳人樂府徵歌元微之人呼才子賜元豐之金帶方筵清班焚學士之銀魚遽歸綠野蘇公堤畔遊從半魯國諸生謝傅山

邊問字徧元亭高足於是名傾江左譽溢斗南會羊城
有童蒙之求羣迎康節鵝湖重經師之選爭迓林宗噬
肯來遊亦既覲止高懸睇澤誰其叩不能鳴甘撤臯比
僕亦後而欲往顧慚形穢敢托神交爾乃仲舉停車便
尋徐穉長公渡海卽訪黎雲旣把臂以入林遂倡予而
和汝時則信陵公子頻開文字之樽湘水詞人數與冠
裳之會馮敬通文辭跌宕暫輟披吟陳曲逆門巷蕭條
恒畱車轍清簾疎簾賭山果於僧寮香浦花田探驪珠
於鮫室銀臺蠟燭時鬪尖叉銅鉢聲殘更調齧蹶以故
水村山郭喧傳杜牧之詩紙械弓衣並寫蘭陵之集梓

爲六卷價重三都笑顧鄙人盍作粃糠之導用陳涉見
聊同糟粕之談竊惟言貴乎文孰謂詩非關學顏光祿
鏤金錯彩詎乏行廚曹臨淄繡虎雕龍定饒經笥假令
書窺牛豹摛文肯讓班生如其腹果五車麻物應逾惠
子猷云名士只讀離騷豈有少陵但精文選若乃誤求
杜若生吞謝朓之詩竊恐錯解蹲鴟笑破蕭嵩之口先
生則琴箏五典肴饌百家瓠史芸編借出春明坊裏玉
毀金版探來宛委山中宜乎雲湧濤驅氣歷萬夫而上
海涵地負音追正始之前譬之集千腋以成裘曾無襞
積釀百花而作蜜難辨馨香此馮夷所爲面旋小巫於

焉氣索者學其一也然而李善淹通僅稱書篋裴公弘
博第號談林賦六合以娛人何能嫵媚讓河南而標位
尚待錯綜故知錦織明光苦無裁製饒羅珍錯未易烹
調人固不可無才言豈止乎有物先生則學如不及才
患其多如營建章之宮千門齊闢似歷山陰之道萬壑
爭流斥朱穆以專愚徒工著論詆左思爲俗父祇解研
都得意忘言還筌蹄於竹素善師不陣輯鵝鶴於龍韜
請看學足三冬何若才高八斗然則爲仙爲鬼終見擯
於劉安宜栢宜桑究貽嗤于匠石此度量相越步趨無
由者才又其一也且夫文爲載道之言詩乃緣情而作

纏綿悱惻美人香草之篇敦厚溫柔陰雨谷風之什瓊
樓玉宇心傷千里嬋娟劍閣瞿塘淚灑極天關塞自非
太上詎易忘情僕本恨人誰能遣此烏啼永夜輒爲擁
鼻之吟雨暗蕭晨每唱懊儂之曲矧乃秦川公子歲歲
離家西鄂名流年年失職烏金塔畔花飛九品蓮臺黃
木灣邊月淡半江菱艤問老夫之左蠡朝漢臺空弔詞
客于南園抗風軒冷能無感慨正復淋漓白江州才擅
歌行賦琵琶而愈妙李義山詞多寄託詠錦瑟以彌工
君其刺海上之船杳冥無際誰則聽洞庭之樂怠惑胥
忘小子何莫學乎先生其移我矣此則么絃獨奏衆音

皆停者又情深而文明者也具此三長足堪千古豈直
橋名丁卯祇將清婉標奇體號西崑僅以穠纖合度會
見濂泉蒲澗地以人傳錦石浮邱山因公重此日秘之
甲帳珍同海外奇文他年副在名山添入滄浪佳話惟
是管窺無當蠡測何知入明堂太室之中莫名其器觀
西子南威之貌但悅其妍剛值殺青敢辭塞白巖詩之
附工部方憂攘臂而前滕閣之序昌黎竊喜挂名其上
云爾嶺南後學何夢瑤撰

閒居集序

某沂江將道棠之蓼舟中讀先生閒居藁乃輟卷而歎
曰某何足與讀先生之詩哉太夫人在堂不能違色養
而從役潘安仁所以賦也宅桂堂以待輿軒羅典籍以
充幣帛擁楹之暇積有文章先生所以定是集也夫親
生之膝下以養父母父母之志蓋日望其子之賢而有
立而又恐旦夕去吾膝下疾痛疴癢之不與知也爲文
王之臣爲孔子之弟子不患不立矣而來諭之歌援琴
之操感而有作其以此與後世戒養之誠亦少衰矣聲
譽馳其志祿位櫻其情捨朝夕之養以求榮而哆然藉

口于養志韓退之曰子在家父母雖無離憂其志不樂
也在外雖有離憂其志樂也然功名之士當其拂衣而
起爲其親者牽裾固駐之或旣去而緘書招之所謂有
離憂而志樂者其果然也與夫人之志動於壹而已有
一心以宅憂又安得一心以及樂退之之言亦不達於
情矣然則父母之志果何如而後樂耶東廣微之詩曰
彼居之子罔或遊盤叔文之母曰好學爲福蓋惟學成
名立覽老氏之知足而退脩惟孝之政立不朽之言庶
無離憂而其志樂若先生者盡之矣某幸不嫌斥於先
生而顓蒙朴駭涉隅角而輒滯年踰始衰一無所成就

以慰父母客江淮走燕趙陟岷一望懷袖靡依老父今
年七十餘矣稱觴浮白之樂抗音頓足之歡闕然廢墜
而又僕僕爲此行也某尚足與讀先生之詩哉某尚足
與讀先生之詩哉同里曹芝

韓江集序
 揚州地交南北舟車萃集之區四方士夫遊茲土者挾
 所請而來饜所欲而去凡名園別墅姹花媚竹之秀雋
 不暇遊憩也桓廚鄴架尊彝鼎敦之美富不遑鑑賞也
 間有贈荅之章諛詞勦說藉作羔雁甚且驪駒乍唱姓
 氏旋忘風雅之道衰友朋之誼薄心竊悼之董浦先生
 掌教於安定書院擅斲輪之鉅手樹騷壇之大幟一時
 名彥咸從之遊今老而倦歸觴詠流連倦懷莫釋觀遺
 墨而制淚展畫梅以寄慨深情一往敦古處而挽頽風
 夫豈邂逅適願尋常之酬倡歌詠所可同日語哉今春

韓江集序

揚州地交南北舟車萃集之區四方士夫遊茲土者挾
 所請而來饜所欲而去凡名園別墅姹花媚竹之秀雋
 不暇遊憩也桓廚鄴架尊彝鼎敦之美富不遑鑑賞也
 間有贈荅之章諛詞勦說藉作羔雁甚且驪駒乍唱姓
 氏旋忘風雅之道衰友朋之誼薄心竊悼之董浦先生
 掌教於安定書院擅斲輪之鉅手樹騷壇之大幟一時
 名彥咸從之遊今老而倦歸觴詠流連倦懷莫釋觀遺
 墨而制淚展畫梅以寄慨深情一往敦古處而挽頽風
 夫豈邂逅適願尋常之酬倡歌詠所可同日語哉今春

三月董浦歸自揚州手出韓江一集見示大半得於推襟送抱琴歌酒坐之餘其氣磅礴而磊落其旨纏綿而悱惻漢上題襟之詠河梁落日之篇希踪曩哲殆庶幾焉余嘗假館苗邨翁濡雪堂別來忽忽三十餘年追溯雙清閣之鬪酒玉山堂之評書讀畫時往來於夢寐而不忘勝遊難再舊侶多睽誦先生詩益切余杖杜蒹葭之慕矣乾隆丁亥三月下浣同里汪沆

道古堂詩集目錄

卷一

橙花館集上

古今體詩三十九首

附刻詩一首

卷二

橙花館集下

古今體詩五十五首

附刻詩五首

卷三

過春集

古今體詩八十二首

附刻詩二首

卷四

補史亭賸稿

古今體詩五十二首

附刻詩二首

卷五

閩行雜錄 古今體詩六十一首 附刻詩二首

卷六

赴召集 古今體詩三十五首

卷七

翰苑集一 古今體詩六十首 附刻詩十一首

卷八

翰苑集二 古今體詩七十一首 附刻詩三首

卷九

翰苑集三 古今體詩八十六首

卷十

通志詩集目錄

翰苑集四 古今體詩四十八首 附刻詩八首

卷十一

歸耕集上 古今體詩五十九首 附刻詩九首

卷十二

歸耕集下 古今體詩七十首 附刻詩三首

卷十三

寄巢集 古今體詩五十二首 附刻詩七首

卷十四

脩川集 古今體詩九十七首

卷十五

桂堂集 古今體詩五十七首 附刻詩三首

卷十六 嶺南集一 古今體詩七十七首 附刻詩二首

卷十七 嶺南集二 古今體詩五十八首 附刻詩二首

卷十八 嶺南集三 古今體詩七十首 附刻詩一首

卷十九 嶺南集四 古今體詩六十二首 附刻詩四首

卷二十 嶺南集五 古今體詩七十二首 附刻詩一首

卷二十一 閒居集 古今體詩七十一首 附刻詩三首

卷二十二 韓江集上 古今體詩七十五首

卷二十三 韓江集下 古今體詩五十二首

卷二十四 韓江續集 古今體詩三十五首

卷二十五

送老集上 古今體詩六十六首 附刻詩三首

卷二十六

送老集下 古今體詩六十三首 附刻詩七首

道古堂詩集目錄

道古堂詩集卷一

仁和 杭世駿 大宗

橙花館集上

古蕩舟中望法華秦亭諸山

小雨吹不成散作谿響急溪行十八里初自石橋入脩
竹烟濛濛半隱嵐靄溼忽然漏晴暉露出青巖蒼松杉
亘其腹高下蔽石級天影隨峰迴皴法變幽澀笑指梅
花僧定有草廬葺

溪上巢

十笏淨名室瀲灩春流環老樹當戶立密竹隨溪灣磻

中擣菹石幽語斷續間寒藻流不去相逐儵魚還

石八郎祠

安樂山之阿叢祠表幽渚神爲石八郎祀典有其舉豈屬紛如裔或是敢當侶自咸淳迄今歷五百寒暑例以野廟碑捏塑暫如許畫帳因風開銜鬚竄蒼鼠荒荒空山中獨抱寒流處環以万玉妃飄雨潤楹礎門外清籟寂微聞石泉語

從柏家橋尋梅花泉

言尋梅花泉乃在石梁裏菖蒲青茸茸界斷一泓水何年萼綠華影落小潭底潯沸流不還穿過石齒齒客來

窺塵顏餘潤濺芒屨

蘆菴贈克念上人

窈然淨交蘆一室圍清淥門外杉艇小纜在東籬東老梅飛晴雪飄落黃篋筵溪路篆字曲五里聞疎鐘開士盛禪藻句得杼山宗如花雨新好萎後吹天風慙我辟支乘已落聲聞中還師正法眼一質滄浪翁

入花塢遇雨度蕩香橋至法楞庵

言從梅花林西下黃泥阪叢筠綠不分蔭密晝亦晚雨腳穿濃烟迷濛失近遠石梁亘谿腹苔滑立未穩翹首深谷松崖斷白雲偃僧房三十二半在翠微巘衲子事

春耕竹戶日常樾山泉畱客烹率爾荷笠返但覺探徑
幽已忘歸路蹇起視橫斜枝玉雪半凋損

會稽刻石

祖龍眈眈視九鼎滅六強國恣豪兇東上會稽祭大禹
去疾居守臣斯從副車十乘省習俗羣臣黔首爭稱功
役使萬指闢榛莽大碑矗立撐青空丹梯百丈鐫科斗
鬼斧劈落蜿蜒蹤丞相筆法變史籀雕蟲篆刻光氣熊
寄猥逃嫁無佚罰江乘橫截歸匆匆宮車晚宴沙邱駕
骨肉奄化隨沙蟲深山寂寞一片石卻與岫嶺同磨礱

窆石亭

寂寥古殿魚膏昏豐碑蠹蠹光網緇神風颯爽渺何許
亂山合脊空招魂此石一丈勢斜表其廣半之穿有痕
形模豐下而銳首彷彿細綴螭虎文

皇朝乙酉正龍戰江頭士馬方雲屯健兒角技互嬉戲

雙手拔斷山靈跟

秀水朱氏之說

我觀此石逾萬鈞一夫之力

何能云蛟龍蟠屈霹靂護雖有千指其敢捫摩掌三數
發憬歎傳疑傳信非所論

雨過淨慈寺契原山堂聽嶺雲上人彈琴

蕭條樓櫺林一雨轉清絕穎師淨名室孤影澹行迹
稜木葉衣瘦盱遮不沒餘事出聲聞結想渺林樾散作

一指禪觸響動超忽七條泠泠弦不與山水隔晚花萎
無香幽徑豔還滅天高風露澄戒縛破枯寂潭潭木石
心鉤撥見古拙老猿躡月聽遙峯墮空碧

憇契原山堂追次堇浦先生聽琴韻

歸安 沈榮仁 農村

放舟西郭門過雨聲未絕涼颺吹衫襟炎歎遁無跡
紅蕖或低昂白鷺幾出沒高岡俯湍流精舍隱林樾
導師逆客笑歲月話飄忽哦句禪味深揮絃俗情隔
逢場每閱世萬象紛起滅湛然靈府中常照卽常寂
余亦願證明機鋒苦鈍拙何時演三車聯席對寒碧

九月十八日記遊

白帝秉秋蘂爽氣淨餘歎連騎出南郭言觀曲江潮倚
檻石亭上隔岸睇遠椒黃塵忽遮斷白雪空中澆驚沙
飛匄鴛疾颺走刁調轟逐目已眯突至誰能料前水萬
弩勁後水千軍驍睢盱噓怒氣未洩鞭尸驕隄塘莽擊
撞白矸連波搖濁濁吐濡沫石泐痕難消嗤彼踏浪兒
浮軀等萍漂柔櫓敢簸弄倏爾亡其舫佇視久不見使
我中心慄繡谷吳焯發高興謂當永中宵見潮未見汝幽
會誰當拋襪被走僣從齊赴精廬邀簾前設茗椀僧伽
手重招小園廣五畝繚以千篋篋萬頭山雞冠碧綠青

黃交偷戴鷓鴣憤假設鸞鳳毛無刀尾可斷非踞晨難
 號朦隴隱文采暝色籠烟梢禪鐙忽四照高縛松炬燒
 朱光映竒彩輝煌建霞標大聲起水面側聽紛奔哮揮
 手辭香刹仍來江頭遶冷氣沁肩脊儼著含風袍詩脾
 吸清露吟苦思轉高須臾白玉盤團圞上青霄大地橫
 匹練乃向空江包捲彼明月魄灑作秋波濤斷若齊紈
 裂散比吳鹽熬萬竅靜不噫噲吟壓羣囂孤影澹行迹
 短髮吹蕭騷丁敬愍寒餓中堂羅酒肴吳均說後餅劉
 郎題餘餽二老袁夢沈嘉轍倦臨眺未醉先號呶起視辨曙
 色尊合座已逃歸述誇旁人屢禿虎僕毫

妝域聯句 并序

妝域者形圓圜如璧徑四寸以象牙為之面平鏤以
 樹石人物丹碧粲然背微隆起作坐龍蟠屈狀旁刻
 妝域二小字楷法精謹當背中央凸處置鍍鍍僅及
 寸界以局手旋之使鍍卓立輪轉如飛復以袖拂則
 久久不能停踰局者有罰相傳為前代宮人角勝之
 戲如武林舊事所載千千日下舊聞之放空鐘之類
 蓋藉以銷吹花永晝闕題葉閒思所謂妝域者也

深宮晝多閒樂事午相較沈嘉轍舊戲罷攤錢餘歡收
 握槊厲鶚高擎拭烏皮圓轉走羸殼吳焯花背龍紋蟠

巧心象齒斲趙昱功千黃香別方滕藉粉界橫權駿世一一翻

衣痕千千拂巾角鶚午鍼豈能停丁腳不須捉焯在次

星離躔中規月還朔嘉久行戒歆傾小任防犖碩昱寶

曆暈重重風車盤數數趙信北南昧易遷朱碧眩難覺

鶚十刻費環循一錐空倒卓世烏三匹未棲蕉百回仍

剝信蓬卷無根株渦洄亂清濁嘉徐時影續翻急處勢

騰踔焯氣竭猶蟻旋局殘屢鶴啄昱文窗紛合圍紅袖

競關撲嘉快奪金百綏偏輸玉雙珏信迴腸託防閑匪

石謬謠詠鶚攏髻婢爭看扶腰女初學嘉眉顰側輕鈿

臂瘦動寬鐲世駿人語喧行廊花光颺繡桷焯前塵已微

茫小物尙高邈昱細字認蠶眠兒嬉等燕濯信菟羅譜

莫憑奧衍句從駁鶚徒用刻楮工相看齊一握世駿

二林吟屋與沈嘉厲鶚趙昱分咏節物

臘八粥

寒月嚴凝候初臨戊第三一餐傳淨甕五味出精藍且
過喧齋鼓冬餘供佛龕遙知諸宅貴口數坐分甘

爆仗

驅魍遺故事篝火啟柴扉聲宵山竹裂紙如林葉飛滿
城聽靜夜應谷送寒威中有幽詩意豐年響不稀

琉球扇用山谷酬穆父贈松筵韻

高麗白摺削藤紙見圖琉球聚頭仿形似出入風前懷

裊馨瘦龍骨碾輕鸞子漸江江水胥潮寒持障旭影看

秋山翠縑縮結畫榻冷置身恍在蛟室間

厭勝錢歌為厲二鶚作

厭勝錢吾未識厥面吾能溯厥祖漢代鑄有四十四唐
之封演譜共五嶠不能癖褒不能論河間姤女不能數
宣和博古圖屈曲塗形模或昂然翹蛇首或隆然隱龜
跌或為神龍攫之而或為天馬鼓嚨胡旁有粉米錯雜
鋪山都木客應潛逋禦兒誰氏子手提一串苔花紫一
錢繚繞盤龍鳳一錢宛轉堆雲蕊千秋萬歲本漢文金

玉滿堂出老氏古人取意必有以粵稽鄱陽洪适志其
二有之餘闕矣厲君嗜古兼好奇其文一一摹拓之裹
以古錦重裝池擲以示我我不知古用刀布週四角今
製輪郭圓一規既非永安五男製亦異貴主荆山撒帳
時還君歎息題新詩君才百尺珊瑚枝文妖才鬼不敢
覩區區阿堵煩爾收藏為君不見東海黃公能厭虎金
刀不靈為虎侮又不見新室剛卯祓不祥貨寶雖鑄終
滅亡不如日在錢眼坐錢神有知呵護我水泳山行無
不可

題朱水部樟扁舟詩意圖

碧水抽帆盪曉寒岸痕倒樹壓晴瀾憑君收拾閒詩料
鱖舍魚莊乳鴨灘

耽吟索句兩眉攢水部量才亦大難莫向頭銜問名姓
後梅前杜是同官

喜姚世鍊自吳興至卽次其懷施安韻

苦吟聯舊雨良覲共柴扉遠水初迎棹春寒忽上衣月
窺虛室白花逐酒人飛此夕聞清嘯愁懷得所依

送姚世鍊還吳興仍用前韻

櫻筍連朝過幽人住遠扉髣絲吹瘦影墨瀋浣生衣有
酒皆同醉如鷗又各飛莫愁歸路寂剩有柳依依

湖中看雨

珠點能輕擲春波肯倒黏玉駝鈎不住下水晶簾

舟過景德禪院題三塔

三塔何年建崢嶸此道場雨中烟樹重猶放白毫光

禾中雜興

近水家家小築塘暝烟初起接湖光香茅縛作尖頭屋
賃與吳淞上水航

密葉叢根貼水高菱湖十里不容篙小娃時蕩瓜皮艇
劃破橫塘蹇剪刀

桐陰十韻同徐澐汪沆符之恒

新桐結夏涼爽氣滿虛閣清露溥蕭晨小雨閣疇昨陰
移碎苔紋響逸散林薄千片綠雲委一寸碧珪削層層
羃金井葦葦漾翠箔高枝入風稜重蔭逗日腳覆地淨
若掃映空晚尤薄收香挂么鳳刷羽噪乾鵲玉局壓疎
花銀牆布青蘄坐來詩旋成立處影小卻

題教授蘇先生

滋恢 寄吾廬四首

冰霜調護歲寒身酒國書城道不貧長與山靈稱地主
自來冰鑑負人倫三年絳帳充都養十載青雲落後塵
慙愧更無他報稱祇將詩卷祝長春

冊年京國主齊盟季虎頭龍各擅名風雨對牀同令弟

滄浪聯句有難兄傳家經術微能闢名世文章老更成
何用東塗復西抹先生豪氣自縱橫

大夫七十合懸車吾愛吾廬賦遂初扶屐尙餘芟後草
堆牀還有讀殘書一區錯比揚雄宅十畝新營履道居
勝日春風歸撰杖門生例得奉籃輿

不向丹砂乞駐顏依然風骨鶴珊珊達觀自可題生壙
論定何須待蓋棺

先生自言置有生壙壽棺以待餘年

舍北遠分螺髻樹

江東不少畫眉山就中穩臥烟霞叟百歲還驚靖長官

葉氏最古園觀王石谷山莊春曉圖

猗歟春曉日覽此春曉圖春水何澹蕩春山不模糊叢

條發新穎采色爭紛敷鷓鴣自在飛一一遙相呼山行
忽已斷中有雙犢俱草堂生意足平階鋪寒蕪主人維
摩詰說法陳毘盧禪悅通畫理妙墨娛清臚遠孫規家
法拂絹工臨摹幾時南山南習隱開精廬賴君畱粉本
著我山澤癯

同籍有戍遣之事寄詩奉慰

來日何當歎大難生全須信 主恩寬三千積道黃花
古一兩輪蹄素戢寒去國定知無勝餞破家豈爲愛微
官東西南北惟君使好作王程戴斗看

章

繼咏

顧正謙

見予戍遣詩憐而和之迴腸蕩氣

遂次前韻復呈二公

遷客長嗟行路難荷戈此去塞程寬日臨磨蝎元辰蹇
關隔盧龍絕域寒喜免罪孥輸織室暫從囚服對刑官
知交揮涕期生入鄉國回頭仔細看

同龔

鑑

過鄭安縣

羽達

柳綿擘晴雪歷亂吹不墮龔生澹蕩人攜手肯好我意
行破拘攣快獲幽興頗王劉侈清談張周奄入坐初驚
酒海寬旋喜墨寶夥珍重金筵儲裝潢紫縹裏收來珊
瑚網寫出鐵鈎鑲謬然太古心流觀計非左花信雖闌
殘差喜未改火湖堦步屣便覲面山幾朶冷翠沾客衣

相約喚輕舸三人恣洄浴較畫更婀娜

鄭麟趾高麗史向爲花山馬氏衍齋藏弄道過虎

邱子書肆得一寓目書二詩題後

海洋東劃小江山史例居然準馬班屬國威儀徵市舶
外夷文獻落吳闌百番璽紙銀光研兩姓鴻名玉冊頒
擬向太常論四譯竒聞聊當采風還

海國華風亘古今鴨江如帶界遼金宣和已後紛傳史

洪武中朝賜玉音百濟附庸陪遠道皇華館伴動高吟

見吳子魚朝鮮詩選三桠五葉誇靈藥聞道東洋有貢蓂

芳草

泊雨棲塵黯曉昏茸茸一望徧江村暖消晴霧侵嵐影
寒翦春風漾水痕好句招邀青入夢故人迢遞綠當門
玉階清闌無人到狼藉薦花日幾番

微雨

蹉跎二月破微雨作輕寒侵袂遙分潤釀愁別有端窗
陰初羃歷花淚漸闌珊屐齒來深巷苔痕乾未乾

題仙巖山圖

吾聞福地七十二林壑幽阻阻仙所寰從頭數至二十又
加六乃在羅陽之東仙巖山山高萬有八千丈千峰羅
列相交環五潭四洞錯碁峙霞梯窈渺難躋攀軒轅學

道此託足煉丹智井畱山間珠簾倒挂懸瀑急餘潤灑
灑深漬莓苔斑披圖細細勞指點鼓勇欲往仙緣慳巖
坳誰縛香茆屋門外蕭森蔭秋竹荒池廣畝清澈底照
見生衣如水淥滿山藥草采不足猶荷鴉鋤劬黃獨厭
聽瀟瀟礫泉喧高峯獨抱寒雲宿

雨過藤花書屋

一寸新桐乳重來綠已深畫檐同結韞彩筆借題襟清
酒澆竒夜春花無苦心不知門外雨擁鼻尚微吟

以高麗圖經易王滹南集湯成

金源文字接北宋党蕭麻蔡紛參覃遺山淦水兩砥柱

鼎足更立王滹南滹南筆力倚豪橫滹經藉史精華含
作文不肯媚丞相寧以死諍毋貽慙黃峴峰頭清淨地
雙趺對結緘僧龕慵夫一集已零落尚遺辨惑畱金函
餘文詩話四十卷本末粗舉吾猶堪中州一劫付煨燼
典籍大半淪戈鏃上都捆載歸白下紙香一路吹旆禪
萬歷重編內閣目神物完好無差參繡谷亭北開屨屐
仰就烈旭烘飢蟬有客剝啄啟門扇竟著高屐來花筵
隨手觸亂珊瑚網驀見虎視矚眈眈巧偷未能且豪奪
藝苑不戒貪夫貪主人跂腳理籤軸听然左顧馳彫談
東洋外有高句驪船舫不阻蛟龍潭宣和徐兢曾奉使

山川道里恣窮探
版圖歷歷歸鉛槧
文筆秀掩春山嵐
吾嘗購買三十載
不獲一慰中心嫫
往歲書船夾兩板
烟雲過眼成奔驂
清齋苑結縈寢饋
春絲不斷三眠蠶
客聆君言識君指
敝篋所有君已諳
一編捷使青猿挾
脫贈不用盈肩擔
銀光繭紙印國璽
錦囊緘固封珠蚶
以此海東墨中寶
匹爾燕北文中魁
竒書各各欣未覩
辟以美人換花驪
吾家隙地二畝半
層樓三級圍朝嶼
上貯文史一千部
行住坐臥隨搜攷
我歸晴窗展瑤笈
松花滿地鋪鬢髮
儼入河汾面遺老
孱體倏爾忘憂悵
子亦一昔償宿負
如距斯脫喉祛痰
裝裹合配吾妻鏡

東國之史傳其三
三國通歷或收弄
陪臣國書誰撻撻
曩者語兒袁阿大
芻日飲米汁抄清泔
醉攜朝鮮濟北
集持詫趙五
昱梅花庵外夷文獻
缺丁部什一千伯徒
茲統丞令小史錄
副墨藏收竊擬追周聃

道古堂詩集卷一
三

道古堂詩集卷二

仁和 杭世駿 大宗

橙花館集下

題桐破山人畫冊十首

六曲麈眼籬玉露滴空翠秋宵清不眠侵曉起相對 牽

牛
剖此八瓣花團作二月雪高枝撐槎枒恨不化九節 玉

蘭
佛有廣長舌試與叅蓮宗為是紅菡萏為是青芙蓉 荷
秋蔬已除架冬菜又出土日日淪清饒吾不如老圃 芋

豆蘆蕪

七十二竹派派派各有意此君太惜墨何不寫滿紙竹

脈脈斜陽外江潭遠未歸柳疎秋社近燕子故飛飛楊

柳燕子

筆底自春風何必脂粉浣午院烏圓來竟上石闌臥牡

丹

清影落寒澗疎光澹林隙荒荒月二更照見冰雪魄梅

汝有歲寒心人苦不知耳日持作談柄便已稱名士松

枝

迢迢春波滿生綃翠作裳畫工真狡獪不寫入三香水

仙

雲棲

捨舟登沙觜十里遵林岷萬竹森窈窕一徑通崔巍山

行路轉窄濕翠不可揮綠陰逗秋日搖碎千珠璣初過

七佛寺畦花爭芳菲竹棚架野圃芋大瓜瓠肥一亭轉

榭珠澄水淥上磯亂踏竹筧路木葉吹霏霏竹牕老尊

宿迢然悟昨非猛解世網縛來著離塵衣創此青豆房

嗣法守莫違放生萬圈柵多生成皈依打鐘掃地僧樸

遯無禪機戒本持四分不貽野狐譏蓮池大師規約私

院鳩摩與僧肇譯經闡幽微徑山與報恩刻藏流芳徽拈古德機緣者出

二者師所并五燈燄復輝影堂遺杖屨瓔珞垂素幃楞
巖記摸象想見枯禪頽塔前娑羅樹枝大蔭十圍天風
吹石壇花雨飄浚激有客慕幽勝朝遊暮來歸齋厨響
茶板淨甕分餘養澹蕩試矯首雲壓青林飛

西興道中書所見

昨夜江流漲泥深路轉長雨沾豆莢潤風捲棟花香飲
馬初臨牧眠蠶未出筐竹輿行旅客揩眼看嵐光

贈大善寺塔下老僧

古寺團團塔繙經草滿階問年頭似許對客眼初揩佛
座供銅盃香厨挂筍鞵日長喧鳥雀得共飽清齋

江干竹枝詞

行李一肩青竹兜凌風浩浩美虛舟越人赤腳踏波去
絕勝忘機水上鷗

五月開頭醉不醒吳山更較越山青販鮮船到齊泊岸
水面南風盡日腥

三郎廟前社鼓催三郎廟外江水迴真箇居人太煩聒
村巫日日賽神來

無題四首

秋千嬉過尙輕寒人在春前感百端碧海青天兩迢遞
紫檀紅撥動沈瀾劇憐瑞雪搓還暖嗔道曾波畫卻難

小擘花箋續長恨蘭膏風削夜漫漫
恐與仙人別有緣一丸飛雪駐華年月娥祇解偷靈藥
天帝何曾借聘錢六百畫鸞招不得十三箏雁恨空傳
楊花漂泊桃花薄惱殺東風故放顛
花叢幾日鑠春溫獨院迢迢寶鏡昏白舫青燈桃葉渡
翠烟紅雨木瓜墩金蟲耀日分塵影銀燭無風滅淚痕
小別不須歌宛轉商聲哀艷易銷魂
芙蓉寶帳浥芬芳內視豐肌卻有方細草泊烟飛蛺蝶
野塘如畫著鴛鴦雙行纏覆承雲襪九子釵橫卻月梁
莫怪重簾阻消息不聞絃索摠聞香

秋柳四首

秋色兼旬到灞橋無端消息女兒腰永豐東角荒涼雨
鄴水西頭上下潮社燕不來迷舊夢暮鴉飛盡見長條
一盃細酌屯田土月冷魂殘不可招
西風昨夜拍堤吹綰綰條條慘淡垂渡口祇今餘白水
酒邊何處覓黃鸝榻來衰草殘荷岸怕見啼烟泣露時
策馬不堪尋舊繫赤闌橋外冷鞭絲
數株零亂酒帘邊無復珍珍貯翠烟斷岸冷圍殘夜月
小樓寒咽夕陽蟬空持舊帶攀行客難弄衰姿伴少年
迴首武昌飛絮盡一篙撐過藕花船

留得長條伴白蘋
鯉魚風起掠纖鱗
飄零水驛來時路
憔悴江潭別後人
隄遠漸遮鴻背影
天高愁拂馬蹄塵
可憐冷落華林射
不見春旗一色新

包家山看桃花復登桃關絕頂觀潮歸各作詩紀

勝

二月幾望春過半
城南花事貪天功
欲雨不雨風日淡
似霧非霧烟光濃
一舟迢遞赴淥水
沿緣嶺腳停烏篷
人家鱗次花匝市
間以翠篠搖空濛
翻疑屋瓦有阡陌
界作畫格填青紅
梵天寺古風峪峭
絕壑不與漁郎通
凌虛放眼泝空濶
一洗塵面噓天風
清江帶繞山一角

烟帆幾葉張虛弓
春潮輕輓春浪緩
雪花迸落嵐光中
山頭紅雨江白雨
鼓盪地軸燒天穹
登登蠟屐倚頑健
尋竒直過桃關東
江天清麗坐收拾
載筆畧記探花踪

春雨書事用寇忠愍韻

一徑濛濛地端居
感寸心亂飄魚火失
寒逐野塘深雲濶
迷新樹巖低匿
暝禽明朝阻幽興
無分策疎林

春盡日集復園對薔薇作

造物弄景光繁卉
沐洪化醉暈凝百層
狂豔張滿架妖嬈
殿餘春爛燙
逼初夏攢條發
輕英接葉逗微罅
數如錦帳圍垂似
寶釵卸彩雲飛
不收燕脂抹
還乍衙香百

和熏膠箋五色研窄窄蜂鬚排點點猩舌咋下蘊玉雞
苗上覆紅綃杷露浥朝氣含霞烘晚陰射密刺鈎芳穠
疎籬寄低亞薄寒畱幾分小雨幕三舍翦成巧婦纔摘
處新粧罷笑曆風所撩棘心鳥不下歷亂干娉婷偃仰
盡姪姹朱碧誤看成緋紫洵可借睹君多駘蕩對我若
邀迓晝疑買臣歸張祐詩當晝開時正明
媚故鄉疑是買臣歸坐索麗娟價
花事等積薪風信此噉蔗轉愁朱顏凋慮逐青娥嫁東
皇謝管領北墅得休暇惜花復惜春卜晝兼卜夜盥手
掬露華婪尾滴糟醅青赤互爭帝詩酒各定霸近嗅屢
前席高照巫燒樺拂塵落坐綢牽裙礙行炙妍姿媚主

賓媯態耀亭榭側光上衣紅倒影入杯瀉筆舌何鷹揚
粉澤亦狼藉飽看霓衣舞會有錦袍謝

過故侍郎嚴公臯園

別業傳耆舊登臨一再經野樵明古岸淺水漱迴汀蟲
齧荒唐樹苔侵臃腫亭居人已他姓欲問失前型
有客耽吟癖相羊滯竹西水紋歸埭緩雲腳到城低深
稜爭鋤菜輕舸喚甯泥春陰將草色映作碧玻璃

同作

錢唐汪沆西顯

遺園依古堞池館半荒涼剩石欹莎徑疎梅亞土牆
名流一代盡勝地幾人忘坐看迴環水泠泠送夕陽

錢唐符之恒南竹

一室少詩意春風入舊園寒烟棲木末活水齧城根
出土菜初賣覓魚人忽喧獨遺今昔感花底竚無言
風雅伊人遠懷哉水一方村民分廢地小草占廻塘
屋老愁多雨苔荒黯豔陽迎人修竹好日暮侍成行

絡緯

夜績來同巷哀音感總帷徒勞聒嬾婦不解恤窮嫠幽
樹無靜葉空機多亂絲猶傳唐魏儉淒斷薄寒時

開湖曲

葑草平堤一抹鋪原田幾稜割僧租月波橋上重廻首

才識空明裏外湖

赤山埠口不容刀幾日湖波貼岸高宛似錢唐秋九月
一江趙漲送胥濤

礬頭山染佛頭青六里蘇堤緯作經一色玻璃水天濶
鷺鷥飛不到南屏

寒盡蒲芽更荻芽酒船鴉曳酒帘斜晴波望望平如掌
只少芙蓉十里花

先農壇十六韻

播種思炎帝陳常荷有邵春光看冉冉原野各每每陌
北阡東廣雙階五尺恢蟄驚雷始震脈發土方芟雨露

天陽受句萌地氣回除壇城郭近問樹柏松栽天子勤
千畝諸侯協九推頭銜衝曉出從騎破塵來翠甸藏蛙
吹青旂覆雉媒先期陳黛耜宿戒闢汗萊窻窻風吹麥
霏微雨洗埃水庸臘可賽先嗇祭仍陪或見鳴鳩拂常
多布穀催里魁祈社罷田峻勸農纔欲介盈寧福先憂
滿青災奉行成故事會見阜民財

祭竈詩和金農

甲子驚頻換庚申守愈難何來老婦祭翻洽比鄰歡缸
面加皮厚蔥心蠟蒂寒輪君踞觚坐繞屋有晴山

揚州過訪余

元甲

濡雪堂畱飲招同厲鸚閱華陳

臯

菑村詩老性孤馥耽詠耽書韻事兼千里鷺盟喧竹屋
幾年鰥緒悵蘆簾青燈颭雨光初滴黃菊侵霜價漸添
攜得歲寒相伴侶一堂標格共清嚴

贈余

元甲

江湖小集題此代柬

六十三家集江湖蹟杳然書坊睦親改善本解元傳石倉
吳丈有宋槧本末署陳清氣知難滅幽吟共爾研還應
解元書棚刊在睦親坊石倉叟宋槧按遺編

杭堇浦見遺南宋小集書白石道人詩後

江都

余元甲

葭白

之子竟歸去相隔音驛疎何期乘越舸寄錄南宋書
夜闌心未闌雪案孤燭秉白石詩鄰鄰弋獵欣一騁
尊挹黃太史掘得雙井源句法造深澹幽微欲無言
尋繹不盡味索索繭抽緒危吟風竹知戛響助清苦

嘲張增病足

張子寂寞居一足抱微痾初時走矍矍倏爾失奔駢
思隱囊憑行取木突代不免短狐嘲忽惹穀犬吠瘍醫
診微芒兩眼施黻黷搜充嶺南方副殺去疵類始灼艾
火攻旋用符水漑謂當慎朶願腊毒慮內潰跛腳但高
眠藥力可熏概不然鼈斲踢恐與眇者配俄而介狀來

向我訢殢殢筮咸之二爻易理汝所昧輿脫輻則傾羝
觸藩不退臀困于株木餽覆其鼎鼐汝何行次且致令
腓有悔前哲不吾欺一一爲汝誨下堂樂正憂易簣曾
子嘸疾行無善步躁進轉多闕春冰與虎尾此義罕津
逮錯趾非其履一蹶不可再躑躅翰墨場進退韋弦佩
雖爾短三寸取用或有在古稱五經笥又號掉書袋與
我一人半共作後車載

雨

一雨綿晨夕虛堂翦燭聽相將理琴硯潤氣入疎檣鷹
爪茶初熟魚苗水未腥畫檐微溜滴斷續雜風鈴

簷溜十二韻

藻井沈沈暗琤琮滴滿階盤渦傾碧琰微湯濺棕鞵清
淚銀蟾落明珠老蚌偕投壺飛玉箭刻漏卸金鞞冰筋
寒猶結晶簾晚更排蜂房垂點點鷗尾瀉潏潏鶴啄紛
無數魚吹豈有涯斷聲依故迹餘響咽空街據屋瓠能
建分溝篔不欬奔流何太急小住亦爲佳伏枕聽殊苦
垂堂韻自諧虛檐羣鳥寂畱爾伴清齋

吳明經

燈

酒半出玉瓶示客屬賦

閏三月在朔密雨轟如織意行豁目塵打門祛魔睡不
速客來三尊酒簋用貳豪吟快擗捲高言洩清悶精鑒

展緹中元賞出竒罨紫光照觚盧寶氣射瑤笥頂臚獅
尾雙旁列螭首四瓣瓣銜銀花朵朵結素穗稜稜露空
嵌了了見行次周遭何瓏玲曲折仍微緻刳中分碎繡
密理發空翠良工費雕鏤智者妙遊戲初窺詫光精細
測轉深邃棘針不能彎霜刃那可施將母天巧存是有
鬼工欣摩挲緬斲削徑路絕思議想當鐫劖時畧識玉
人意屏氣言母吮俛首目裂背劓膏鷓鴣新芒淬芙蓉
利曉動睛不搖屑落口屢吹精靈所剗鏤指腕肯刻鷺
歲月盛流傳旁觀亦顛顛吻渴壓糟牀氣竭求雞泊長
謠媿蒼雅玩物戒喪志

郊遊同厲鶚丁敬符之恒集古冢下作

清思蕭間甚招延入遠村山花出叢薄野秀淡春溫有
客吟谿路無人哭墓門東風不相惜吹徧舊苔痕

同作

錢唐丁敬敬身

閒情無遠近處處似相粘坐或村童雜吟多野鳥兼
春畦舒翠蕪花徑糝紅鹽榆火傳新乞孤烟出短簷

送五舍弟

世瑞就昏黔陽

弟今去弟勿違黔陽去我乃隔四千二百有餘里水程
滾滾山程岷嶓非足可越翅可飛計程五月始可達枇
杷已熟楊梅肥官齋大好游衍地軟塵不到人來稀畫

簾乍捲輕霧散曉日初上晴山暉阿翁授汝餐阿母製
汝衣坐汝綠陰之東牀為汝畫閣開東扉報衙聲裏畫
眉罷繡棚翠桁恣因依蠻花犴鳥啼芳馥弟今去弟勿
違若過洞庭手莫揮洞庭君女乃是柳毅妃風鬟霧鬢
髮不晞傳聞遺像捏塑湖之碕書生貌美百靈秘怪恐
不威易以假而函光輝神鴉啞啞蹲危柁水神隱隱搖
雲旂船頭牲福醜美酒波濤恬息神靈祈汝雖岷疆未
可非更歷鄱陽湖大孤小孤雙峙高崖巍髻或青螺綰
裙或綠草圍彭郎口實至今幾千載過客輕薄攢嘲譏
大凡佳山美水神所宅妄語偶觸生危機諄諄髦語為

汝誨弟今去弟勿違暇時可過二酉洞藏書千卷汝可
充朝飢善卷之墓馬援廟緘書一一報我擲管流音徽
龍標南去五溪地唐之詩人王昌齡段成式磊塊歷落
滴下千珠璣汝行收拾攜婦同來歸雲容容兮風澹澹
勿令吾母汝兄朝暮雙眼睵

竹屏二首

屏山曲折畫牆東只隔亭臺不礙風低亞疎花隨宛轉
勻排瘦籜透玲瓏青條翠萼生如寄紫蝶黃蜂路可通
兩處攀枝杳相望愛他面面是方空

三春花事各紛披短竹團成鹿眼籬直節轉能容冶葉

高標特遣約狂枝鴛鴦機倒挂九張錦畫格橫陳一局碁
午院日高紅滿地翠奩浮動影參差

南華堂觀鶴浴聯句

玉立兩胎禽對結臨池伴世駿清容本斲冰潔操詎涅炭

鵝火齊一星冠綠沈雙玉斝沈嘉未思餐碎粟不怕規

圓彈吳焯篆印擘晴莎禹步到沙岸世駿鱗鱗碧練翻櫛櫛

銀雲爛焯圓吭蘸砂泉倒影踏霄漢鵝襍襍振素華瑤

璫激春瀾嘉轍青田脫塗附白雨紛汗渙世駿晞光明縞衣

跳珠落玄祿嘉轍頭低頸轉昂左刷右乃換焯洗毛女裙

裾漸水妃帷幔世駿楊袂快西吹聳翮睇北瀚一飲漱微

嚙三沐起清瘡鵝望雲仙騎輕畫水兵爪亂嘉搜爬宣
髮梳蠲淨佛頂灌逸格邁海鷗高羣謝井鶴鵝浮藻開
復聚沈魚驚且憚水語攪幽修花片點璀璨焯迴波肇
忽披陷淖脛疑斷駿長身戛瘦骨雪色灑脩翰華清已
隔塵遼天湧言算嘉懷玉信前生鳴臯異近翫鵝蛻羽
委氈氈烟際共蕭散駿

東臯雜詩

東陽幾日焙春芽綠野浮光刺眼來近水許多黃蛺蝶
菜花先背小桃開
雨憇風偃感百端平原處處作春寒斜陽一桁忽如抹

紅上酒家青竹竿

雨腳才收日腳吞重陰漠漠漾春魂故尋流水彎環去
直到野人青竹門

東郭人家近野塘水村南畔足幽香今年十日雨八九

苦竹編籬補壞牆

莎徑斜編槿樹笆茆檐低稱野人家紫茄白莧青蠶豆

小雨吹成五色花

日日攀青踏碧還莎衫桐帽稱疎頑橋頭一角肯畱客
近聽流泉遠看山

送同年俞

維壩

之任袁浦場大使

莫爲名微悵別離
龕官卻與養親宜
船頭蝦菜憑時買
庫裏封椿計日支
蘆浦竭來須有記
海門獨望自吟詩
野王臺近秋風厲
遠道還能取酒資

宋劉昌詩爲蘆浦場大使著蘆浦筆

記

爲許煊題無名氏畫冊

許子愛畫如愛名
有名之畫力所爭
門攤市集恣搜索
粉墨蕭瑟精神并
一舫貯畫可七尺
一堂寶繪才三楹
神品逸品定世次
錦題玉軸標縱橫
何來能事太高邈
邱壑幻出烟霞情
拖泥帶水變皴染
堆紅嵌綠煩經營
時代邈如姓氏闕
清遠不知誰所成
我能辨畫不辨名

題詩報語高陽生
畫家寫物貴寫意
意到便以名爲輕
荆關董巨世何有
紛紛俗筆徒令藝苑流虛聲

立冬日臯園小集同厲鶚姚世鈺

暝烟林外鬱難消
竹引溪光過野橋
此地定知魚最樂
一椀祇欠月相邀
枯萍小港除瓜架
老樹空庭挂藥瓢
更約明朝理杉屋
紙窗幽夢永寒宵

道古堂詩集卷二

Blank columns for poetry text on the right page.

道古堂詩集卷三

過春集

仁和 杭世駿 大宗

書真蹟實錄後呈彭少宰 維新

清河世胄盛文獻前宋功父後青父米家船上列書畫
小史傳鈔手自譜暇采真蹟撰實錄波磔分明機撇弩
官私圖印慎鉤摹蠹螺螭扁巧規矩丹黠粉黠絹素微
筆陣千秋自媚斌公也宿昔翰墨緣一生寢饋文字府
牙籤玉帙塞書庫三館亡書細求補鮪生七畧紛窮搜
新簿中經清可數華林片籍親攜來來訪滄浪響柔艣

維公儒術弼

天子擁傳三吳惠南土頭廳署罷紙尾書吏散晴衙日
卓午急召隄麋命虎僕坐對谿山拔魚魯當公淵洽具
公鑿似鹽入水水融乳紙香拂拂古精神灑落青瑤沁
冰腑世間肉眼半屠沽斷楮零縑棄空籛珊瑚出海鐵
網收須遣張懷瓘作估

自清江浦至紅花埠雜詩八首

春風十四橋中有畸士跡宿草葬書淫蕭瑟感行客江都
張仲醇先生元貞博極羣書官終望江訓導前東全紹衣嘗為余言三過邢溝而先生墓木已拱矣
莊生謂十區負奇氣肯兄事袁盎不寫乞米帖天骨亦骯

髒

寶應袁圖南任俠喜交結送予渡河

門外清淮流參差見帆影冷澹玉蟾蜍清夜淚耿耿過朱蘊千讀書堂

舌本耽清涼耻作毀茶論風爐解眼湯青霧半窗空宿汪氏別茶齋

晴泥圻龜兆舴艋權三里不信九曲河相望一帶水河渡
晨雞膈膊鳴油燈滿寒舍六尺黃篋篷驂駕兩老馬王家營曉發

詩人陳主簿秀句割春嵐日趨雙松影寒廳未放參順河
集別陳澤三時官桃源主簿能詩

不見尋香人目斷紅花埠春風吹鞭絲一桁溟濛雨傷故

沂州道中憶故園梅信

買得梅花手自栽清嚴標格共徘徊荒城古驛人千里
一段生香拗不來
幾生修到玉精神說我梅花是後身日日冰霜吸清氣
與君同作耐寒人
吾家十笏小禪龕清境迢迢夢亦諳底事冰魂斷消息
更無天氣似江南

泰安靈應宮銅殿是明神宗造

九天光景結瓏玲八柱嵒巖聳泰青環珮有時歸窟宅
風雷鎮日鎖窻櫺乾封雨禪邀天瑞瓊笈琅函闕道經
古栢參覃遮不盡滿階青霧晝冥冥

泰安除夕

鄉關回首隔三旬除夕蕭寥不當春輸與杜陵諸弟妹
舞衣長倚白頭人

榕城消息比如何白嶽音塵等擲梭又著一行風雪畫

泰山古道蹇驢馱舍弟尚滯汀州作
兄聞於歙州度歲

心如活火不成團句敵檀梨尚帶酸想得夜來占燭影
綺窻憔悴理辛盤

禹城

鄉人沈君師穎方
罷官一孫頗賢

小市塵稀眼纈明一街寒日築毬聲故人傳說休官處
冷騎蕭蕭過禹城

平原懷古題顏平原書東方朔畫像碑後

樂陵古厭次魏代歲星謫瓌瑋上金門陸沈隱象闕楠
郭善窳藪數董莽擗戟清質故濁文潔志肯穢迹詭時
嗟不逢儵爾委仙骨叢祠表里閑寂莫照荒月遺貌緬
脩古捏素聳棲魄侍夾二細君宛若眉影媿老樹撼悲
風落葉響蕭蕭撼壞壁失龍蛇枯椿走螻蝻淹冉歷歲時
徘徊感行客夏侯守平原有子展省謁陳辭致鞠脛酌

醕薦秘醇鴻文發鏗鏘貞石峙碑碣豈無神物呵不敵
風雨揭崑峩斷龜趺駮癘牛蟲齧魯公啟潛光同里異
代隔琬珉重磨礱筆力自超越天寶垂摩崖副本揭翠
碣臨池三摩挲親紙再嚙啗漢庭老侍郎遊戲嫚割腊
主文尚譎諫避世識明節卓哉平原守孤城支旣旣屢
黜忤權要一死折兇逆名蹟光天壤大義昭史冊作歌
質古賢生氣凜鬚髮

同巖七

在昌

坐冰牀入鄭州

白溝河水衣帶長凍堅澤腹斷葦航琉璃十里森耀芒
不輪不楫制作良麻繩彎環牽有力金梃滑澁行無方

兩已相背跛脚坐絕勝羸馬搖車箱初疑闖入水精域
又似身在白玉堂清氣一縷寒到骨宛轉洗出冰雪腸
連朝厭聽鈴馱語五更戒路支青霜眼耳鼻舌飮氛濁
那得肝膈回清涼勸君急須解塵鞴有錢何惜賃冰牀
東風取次將解凍莫待漸盡流湯湯

寓齋老杏一株花絕繁盛用漫堂竹垞兩先生集

中柳巷杏花歌韻

我本看花使小園日夕修花經客歲走京國譬箭揚風
翎倦眼未洗塵漠漠短髮忽點愁星星旅舍富林壑晝
靜如郊坰一株老杏森刺目醉態似被風吹醒春光九

十將過半輕烟不散酥雨零挑菜淪嫩甲啜茗揀苦丁
丁香百結未放白竹篠幾个初抽青畫牆低處亞字缺
脉脉露出千娉婷朱唇粉靨費晤對老榦色作青銅餅
托根羨爾已得所位置況有香茆亭東皇作意做寒食
淺苞綴露搖清冷宋朱二老盛詞賦冶遊極口誇支硎
江南二月春雨歇深巷此日聲堪聽令我鄉思轉撥觸
小樓一角勞吟嬾生香活色映餘媚姹枝穠朶紛殊形
酒旗飄颺泥遊屐幾家村店臨回汀柳腰綽約麴塵動
繁英飛入紅窻櫺此景可與此花語對花悵盃還停
須臾疎月澹檐罅玉顏四照烟冥冥

齋中芍藥

豐臺花擔曉盈筐折得生枝露浥房閉閣靜宜三月雨
卷簾先透二分香紅燈不擬添潮暈玉頰偏教膩粉光
太息春風易離別一尊婪尾九迴腸

荅施

安

卽次其在都時見懷韻

劇憐西笑故人稀委巷蕭寥白板扉放眼漫驚新柳帶
掉頭重理舊荷衣蝸非蠻觸空勞鬪鶴伴烟霞那得肥
長憶勝蓮僧社裏白蘋吹雨滿漁磯

萬柳堂三截句

清梵三時響粥魚亂花空發老僧居危欄曲處青山露

一桁斜陽曬佛書

半天婀娜綠穉抽拂拂新條亂打頭兩翼畫欄紅不斷
荻芽菱葉滿春流

溪風掠過打魚磯匝地春陰綠正肥頭白僧伽破禪寂
柳花吹點水田衣

送邵進士

大生

教授大名

邵侯越州儁宿昔文字洽燕吳春草隔振眼熟羊脚七
載理幽覲古風動涼筵詩章美無度芳意擷香蕙芝英
咀九竅詞源倒三峽心花舌亦花穎秀宛可指氣類膠
漆投可許永驩狎維余振轡初當子赴官恰火雲蒸黃

梅嶽嶽正烏帽冰條稱頭銜宦海脚試插巧吏勤鞠脛
俗吏禁呀呷滔滔徒實繁熟審顏破甲不如苜蓿盤清
味冷可喋畿南千里郡鐘鼓制不狹古樂列筍虞宏議
考禘禘先生伊川裔經苑稟家法三傳究終始闕義補
鄒夾臯比坐指畫妙解息衆雲聲價百城償氣象萬牛
壓賤子載垂翅蕉萃舊白袷奔走空鹿鹿蹇澀類鳴鴨
骨相知寒迤歸計事稷鋪心旌挂龜臯迂路枉邾邾蕭
晨斂高齋嘉客興未乏茶烟紫玉芽鑪火白檀筴徵材
奇屢出鬪韻險能押或致鄢陵師各主葵邱歆元辨竟
連夕快意詎累霎枝官簡簿書冷局富箋劄清颺逼四

隅光灼琉璃匣

夏日雜句十七首

濃陰綠徧小回廊攤飯先安曲象牀消得素馨花一霎
滿衙香氣鬧蜂黃
翛然深巷淨苔痕棗樹開花半似村乞與一間杉屋住
綠愔愔處晝關門
危闌百尺聳楓棱山月飛來界玉繩綠樹似雲濃不斷
一竿紅颭佛幢鐙
藤梢蔓引翠層層涼影蕭疎一院棚日脚不來風信透
茶瓜清絕坐調冰

花氣桐陰小院晴竹廊長日煮茶聲平生最愛簾絲颺
故昔風亭放石鐺
却掃應無穉穢借一牀疎簾竹窻排怪來花底蟬聲咽
日影翻風葉滿階
維摩經院境清嘉依舊紅塵送歲華誇道賜衣曾借紫
竹邊畱客曬袈裟
晴崖日日露孱顏一夕西風失髻鬟幾片黑雲遮雨脚
墨痕濃似虎兒山
蠅惱西窻夢不成好風吹雨莫涼生飄蕭大有江湖味
只少菰蒲水面聲

小園雨過土膏香滴滴圓珠媚竹光隨意便添幽砌綠
無名小草徧西堂

蚤聲幽鳥午聲蟬鎮伴枯齋結靜緣鄰寺晚來鐘打動
三時清課辟支禪

綠痕涼上酒人衣密樹翳鬢蔭十圍不及南鄰雙老伴
一瓶紅友送斜暉

蕭蕭瑟瑟妙香含幾本青蓮供鼻參一道淨慈山寺路
清涼風味舊微諳

食單鮮鯽數爨河蕨笋薑芽味較和飽食轉思湖上水
碎萍寒雨逗微波

卽看珠市擔肩果不見楊家濺齒梅對客便誇鄉味美
北山僧塢滿盤堆

溪風吹面蹙晴瀾葦路蕭蕭鴨滿灘六月陶然亭子上
葛衣先借蚤秋寒

鐺足三家洗象行小儒才薄失縱橫年年宣武門頭水
棖觸噴泉刷浪聲

三家謂梅村阮亭山薑

蚤春探梅圖爲林吉士令旭題

俗眼識春不識梅俗手畫梅不畫春豈知綠萼抱孤賞
稜稜玉貌春精神花光裂礪落清峭劃破水骨開漣漪
拗枝對面古香撲倒影寫出林逋身森森冷月穿樹入

滿地畫格橫斜陳凍雀踏蘂不敢啁爲有索笑巡檐人

憶松吹堂前芭蕉有寄

涼入西堂蔭酒襟更于牆角發孤吟初傳急雨三更響
未放秋風一卷心綠葉靜疑腰扇動紅花不似膽瓶深
年年共爾冬春別誰識叢叢是苦音

題陳謨半野園圖卽送之官全州

半埜園中花木劇秀野啾喧不到清晝屏常扁廉纖春
雨灑落杏子瓣斑斑苔點綠徧寒蕪垌當頭磊砢妥置
醜面石放眼空濶小築尖頭亭王芻个个放葉綠沈綠
赤心纂纂結子青蟲青雲階月地漏落春瑣碎紅鐙翠

幙搖蕩嬌娉婷層樓百尺反挂畫簾押乘風仙御縹緲
吹清冷西峯隱約蚤晚露凝嬾晴巒一幃飛入明窻櫺
黛眉螺髻長日看不厭竹闌十二曲盃供玲嶸詩人陳
三閉門正覓句紫纓串串飄墮藤花廳七司條法吏部
定曹格彩選一擲湛露天街零參軍手版不許挂頤頰
只合排衙放吏給使令猷歌高唱偷試看山眼二孤玉
貌宛似夙所經山迎水送迢遞到官閣一弓張滿飽帆
風中船第三廳上風景足遊衍畫鼓搥動驅走猩狔狔
綠荔支熟日午賽鞞鞞紅佛桑開風動飛蜻蛉鬢鬆臙
腫放筆寫樹理青黃斑剝著色描山形燕岡越嶠咫尺

誰合并化工粉本此際含毫停寫生妙手作用太狡獪
水墨驅染草木皆英靈八千里外展卷一矯首帝城春
色指顧烟冥冥

枯竹傷陳司馬 師賢

陳字鶴臯爲文貞公冢孫丁未選庶常旋以大臣薦
出佐粵西大郡中道溘逝甲辰余寓通路鶴臯從其
尊人濂村先生視漕斯土相會於城西僧舍與予脩
癸卯同籍之誼旋以事各舍去今年寓止半野園園
爲文貞休沐之地鶴臯手植竹及所題六詩尚存入
夏失雨生意頓盡若爲鶴臯殉者撫念手迹情不可

已爲賦枯竹傷之

燕地猶且穢厥土惟墟墳淇園千琅玕未見篔萌掀移
植一隔歲已不復生孫脩脩綠淨姿簇簇青雲根日暮
憂寒玉翠衷不自溫隨牒去桂水弱質摧荒原簾影泣
湘娥斑斑漬啼痕草木有至性憔悴難爲存驚風鏘珮
環澹月淒瑤琨匝地金瑣碎照見飢鳳魂敗籜掃天帚
綠鬢孰所斃攀枝感疇昔請訟巫咸寃

長行有日先期報厲孝廉鶚

也如行脚打僧包秋露微稜暑絕交燕市賣漿人漸熟
明湖寒苻夢難拋浮雲不與深山隔獨鳥還尋老樹巢

先日馳書報猿鶴西風何以慰窮郊

出國門作四首

西風涼入袷衣輕似促羈人出鳳城雁隔斷雲聯遠陣
馬衝殘月帶班聲湖山待我看秋色驛路從頭問舊名
稍喜漸能除妄想仁祠還證古先生

塵漲都亭失翠微一行風柳撲人飛蝶將曬午先垂翅
荷爲延秋早褪衣七載舊遊程可按卅年壯志事全違
窮檐肯負名山業史稟還堪證昔非

轆轤短綆汲銀華古井無波剩可嗟隔歲夢違仙鶴髮
滿湖香負妙蓮花人材似此三十平過骨相看來百事

差蕭瑟風前一回首可堪眯目盡黃沙
館號翹材傍禁除花磚綾被近何如神仙窟宅元難占
玉雪才華似可居史局未知誰秉筆翰林聞說有羣書
朝參分與疎慵隔依舊秋風下澤車

琉璃河至三家店道中作

平橋疎雨斷寥落幾村家貧女楸花髻荒居柳葉茶石
坡秋草滑磚塔夕陽斜高樹披涼蔭棚棚喚賣瓜

新城

高樹交加綠蔭成紅闌宛轉畫橋平朝陽初起黃塵斷
一徑開門埽地聲

白溝河

青草灘灘繡鴨浮新楊才種過人頭迴輒幾折新城道
十里橫河是白溝

趙北口

荷葉錢錢葦路涼綠蘋風過蓼花香蓮蓬論把魚論秤
真個雄城是水鄉

阜昌道中

郭門相望半頽牆小綴橫橋跨柳塘烏犍飲溪侵蓼穗
紅鷄升岸戲苧香風披縹野過清氣雲卷層波逗夕光
薄板小車三十里棗青榆碧自成行

景州示陳二 兆喟

傑閣參城雉雄州氣象殊一灣因野漲十里見浮圖古
岸青蒿界秋塍翠罽鋪故人各風絮回首感羈孤

武城

武城城外漲秋渾甌脫荒涼古戍存官柳尚圍衝後岸
女牆半露浸餘痕園人曬棗升簷瓦驢子馱糧過郭門
河曲莫論風順逆蕭蕭殘照落帆昏

臨清

半規月子照彎彎把酒開窗解病顏河脚巧分丁字水
雲頭盡埽米家山雨穿屋破憐民瘠風捲沙堆卜地頑

北地沙聚則地廢不可耕不信客舟輕似葉清秋寒露阻門關

遊臨清永壽寺觀塔

招提吾舊緣況久被塵鞿荒荒大河側湧現珠宮扉蝕
甃金碧黯壞壁莓苔肥吉祥卍字佛鬘殊光生輝一落
塵沙劫苦被秋風譏小草逗寒雨吹上消瘦衣香界創
何代幾歷諸塵微野僧踏夕影手提應器歸導客觀舍
利相輪罡風威秀支雜劬禿鈴語發靜機其上迦葉波
其中香鐙輝三界晝夜轉崛峙大鐵圍扶闌聳方空篆
刻諸天妃金容森莊嚴面面流音徽怖鴿畏波吒化作
層雲飛百城烟水渺回首悲崔巍

陸進士峻在舟苦被目疾作詩以當枚叔之發進士以醫名故結句及之

銀海層波渺渺愁泉珠鉛水滴晴秋日輪苦爲脩羅障
風劫偏從阿堵謀師遇畢迦還可懺方傳龍樹恐難求
華陽別錄君應記一洗空青翳便收

陸峻目疾平復復請賦詩再廣前意

天眼難教色見遮金鏡刮後絕纖瑕六時還汝葡萄朶
一劫餐將葷蕩花隔樹靜觀雲有態並舟分看月同華
背山枕子如何摸干手機緣悟未差

次韻

海寧陸峻際唐

清虛却礙片雲遮鍼石難除半點瑕不信交光迷正
色直教幻影亂空花吹噓大氣涵神水磨盪玄精受
月華我亦靜參龍木論方懸肘後未應差

東昌

拍拍驚鷗刷短翎團團秋困縛茆亭柳枝踈地因風起
吹與萋蒿一樣青

土橋插守風

三日南風莫復朝十程水驛路翻遙天蒸鬱氣爲淫雨
波捲秋聲作晚潮布席靜推來日緩隔窻清見過帆飄
題詩欲寫天公惱一酌寒漿問汶寥

張秋舟次

翩翩浪葉作花飄宿莽平頭稻浸腰可惜水村秋漲濶
不添三百九十橋

帆回溪轉見漁家老樹當門噪晚鴉酒熟呼兒挂笊箸
一灘開徧水蒨花

蕭蕭荻港泊斜曛半入鵝羣半鴨羣一色琉璃水天碧
界空晴擘妬羅雲

涼葉西風落未休開窗紗帽緩籠頭千枝疎柳斜陽裏
掉尾行過子母牛

濟寧竹枝詞

金龍祠近浪潛消郭外條條白板橋八牖帆檣千樹柳
就中秋士最無聊
石佛寺前秋水平石佛寺後秋草生老僧只愛秋色好
夜夜登樓看月明
澹鮮菴外水周遭纜繫青楓一樹高日莫涼波動魚叢
小船收網賣銀刀
丁字簾前郎賣茶三叉灣口妾撈鰕日莫得錢同取酒
牆頭紅壓佛桑花
紅棉熨貼唾絨堆翠葉玲瓏線罽開一闌市前陳骨董
行人爭買土宜來

舟次濟寧縛纜石佛寺前同人釀錢買醉酒後有
作四首
野塘新漲亂縱橫客裏閒尊對莫城秋到酒邊頻作達
涼生鷗外各尋盟下弦月似初三夜擊楫歌傳第一聲
共喜明朝鄒嶧近片帆好作看山行

生涯蝸縮一孤舟舟子呼風暫解憂白舫紅燈同此夕
綠波青嶂入初秋閒窗緩帶看行炙隔座搏拳想送鉤
如此河山如此客未應輸與五湖遊
淡月維摩入夢頻先秋瘦損苦吟身此中大有烟霞趣
我輩偏宜澹蕩人綠酒青山供勝賞龕鐙齋板悟前因

生年未了微塵劫欲展枯碁問積薪
年華如水去駸駸清酒含愁自酌斟徧淨天空秋月冷
育王城近暮雲深偷將開士拈槌法付與才人擊鉢吟
十載津梁苦行役打包吾欲叩珠林

龍挂

雄雷出地不宵蟄雌霓經天光漸翕黑雲油油蔽江面
聾蟲弓肩上空立今年郡國被災苦商羊一足于且舞
厥占爲水禍東土乖龍倚仗天公威日日擎雲作風雨
鬢鬢老角侵羲輪倒吸海水梳蒼鱗神龍見首不見尾
此意欲與劉累論

過方石川太常宅

京國俄傳殞大賢
版書催赴未華顛
昌時才望登三輔
身後清名動九天
萬里旌旄難自達
先生總藩西安行次六合而卒
七年衣鉢媿空傳
予甲辰木房代州苑雨逢先生癸巳禮闈出其門
門生也抱羊曇淚
一過西州便黯然

次厲鶚維揚見懷韻

大浸連青豫茫茫
斷去塵稽天復沈
陸感事鎮愁人
朋好憂何切
維摩病正新
西風有歸權
不是為鱸蓴
檢創
得菴浦都下書約
早秋歸里逾期
不至聞山左
大水作詩懷之
錢唐厲鶚太鴻

長安幾朋舊
往往斷音塵
忽枉因風訊
偏傷失意人

龍蛇爭路險
波浪益愁新
反媿卑棲者
期君醉紫蓴

虎邱登石觀音閣

傑閣重來證
二依崑嶷貞
石有光輝
碑記為友人馬日璐撰
金紋

寶鬘開圓相
出水當風鏤
畫衣慧鳥曉
含珠露降戒香

春繞玉巖飛
法音顯示潮
音寂釋胄
何人為表微

道古堂詩集卷三

